

**Канон молебный ко Пресвятой Богородице,
поемый во всякой скорби душевной и обстоянии.**

Глас 8-й

Песнь 1

Ирмос: Воду прошэд яко сүшу, и егїпетскаго зла избежáv, израильтянин вопіяше: Избáвителью и Бóгу нáшему пойм.

Припев: Пресвятáя Богорóдице, спасі нас.

Мно́гими содержímь напáстьми, к Тебé прибега́ю, спасéния
искій: о, Мáти Слóва и Дéво, от тяжких и лю́тых мя спасі.

Пресвятáя Богорóдице, спасі нас.

Страстéй мя смущáют прилóзи, мно́гаго ун́иния испóлнити
мою́ дүшу; умирí, Отроковíце, тишино́ю Сы́на и Бóга Твоегó,
Всенепорóчная.

Слава: Спáса рóждшую Тя и Бóга, молю́, Дéво, избáвитися ми
лю́тых: к Тебé бо ны́не прибега́я, простира́ю и дүшу и
помышлéние.

И ныне: Недүгующа тéлом и душéю, посещéния Божéственного
и промыслéния от Тебé сподóби, ед́ина Богомáти, яко Благáя,
Благáго же Родíтельница.

Песнь 3

Ирмос: Небéснаго крúга Верхотвóрче Гóсподи, и Цérкве
Зйждителю, Ты менé утвердí в любв́и Твоей, желáний краю́,
вérных утверждéние, ед́ине Человеколóбче.

Пресвятáя Богорóдице, спасі нас.

Предстáтельство и покрóв жízни моея полагаю Тя, Богородительнице Дéво: Ты мя окорми ко пристáнищу Твоему, благих винóвна, вёрных утверждéние, едина Всепéтая.

Пресвятáя Богорóдице, спаси нас.

Молю, Дéво, душевное смущéние и печáли моея бúrю разорíti: Ты бо, Богоневéстная, начальника тишины́ Христá родила еси́, едина Пречíстая.

Слава: Благодéтеля рóждши дóбрых винóвнаго, благодея́ния богáтство всем источи́, вся бо мóжеша, я́ко си́льнаго в крéпости Христá рóждши, Богоблажéнная.

И ныне: Лютыми недúги и болéзненными страстьми́ истязáему, Дéво, Ты ми помоги́: исцелéний бо неоскúдное Тя зная́ сокрóвище, Пренепорóчная, неиздивáемое.

Спаси́ от бед рабы́ Твоя́, Богорóдице, я́ко вси по Бóзе к Тебé прибега́ем, я́ко неруши́мей стéне и предстáтельству.

При́зри благосéрдием, всепéтая Богорóдице, на моё лю́тое телесé озлоблéние, и исцели́ души́ моея́ болéзнь.

Тропарь, глас 2-й

Молéние тёплое и стéна необорíмая, мýлости истóчнице, мýрови прибéжище, прилéжно вопи́ем Ти: Богорóдице Влады́чице, предвари́, и от бед избáви нас, едина вскóре предстáтельствующая.

Песнь 4

Ирмос: Услы́шах, Гóсподи, смотре́ния Твоегó та́инство, разумéх дела́ Твоя́ и просла́вих Твоё Божество́.

Пресвятáя Богорóдице, спаси́ нас.

Страстѣй моих смущение, кормчию рождающая Господа, и бурю
утиши моих прегрешений, Богоневестная.

Пресвятая Богородице, спаси нас.

Милосердия Твоего бездну призывающую подаждь ми, Яже
Благосердаго рождающая и Спаса всех поющих Тя.

Пресвятая Богородице, спаси нас.

Наслаждающися, Пречистая, Твоих дарований,
благодарственное воспеваем пение, вѣдуще Тя Богоматерь.

Слава: На одре болезни моея и немощи низлежащу ми, яко
Боголюбива, помози, Богородице, едина Приснодево.

И ныне: Надежду и утверждение и спасения стѣну недвижиму
имущу Тя, Всепетая, неудобства всякаго избавляемся.

Песнь 5

Ирмос: Просвети нас повелении Твоими, Господи, и мѣщцею
Твоею высокою Твой мир подаждь нам, Человеколюбце.

Пресвятая Богородице, спаси нас.

Исполни, Чистая, веселия сердце мое, Твою нетленную дающи
радость, веселия рождающая виновнаго.

Пресвятая Богородице, спаси нас.

Избави нас от бед, Богородице Чистая, вѣчное рождающи
избавление, и мир, всяк ум преимуций.

Слава: Разреши мглу прегрешений моих, Богоневесто,
просвещением Твоея свѣтлости, Свет рождающая Божественный
и превѣчный.

И ныне: Исцели, Чистая, души моея неможение, посещения Твоего сподобльшая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Пресвятая Богородице, спаси нас.

Смерти и тли яко спасл есть, Сам Ся издав смерти, тлением и смертию мое естество ято бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя живота вем и Хранительницу тверду, Дево, и напастей решащу молвы, и налоги бесов отгоняющую; и молюся всегда, от тли страстей моих избавити мя.

Слава: Яко стену прибежища стяжанием, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

И ныне: На одре ныне немощствуяй лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

Кондак, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благоая, на помощь нас, верно зовущих Ти; ускори

на моли́тву, и пощи́ся на умоле́ние, предста́тельствующи
при́сно, Богоро́дице, чту́щих Тя.

Другой кондак, глас тот же

Не има́мы ины́я по́мощи, не има́мы ины́я наде́жды, ра́зве Тебе́,
Пречи́стая Де́во. Ты нам помози́, на Тебе́ наде́емся, и Тобо́ю
хва́лимся, Твой бо есмь раба́, да не постыди́мся.

Стихира, глас тот же

Не вве́ри мя челове́ческому предста́тельству, Пресвята́я
Влады́чице, но приими́ моле́ние раба́ Твоего́: скорбь бо
обде́ржит мя, терпе́ти не могу́ де́монскаго стреля́ния, покрóва
не има́м, ниже́ где прибегну́ окая́нный, всегда́ побежда́емь, и
утеше́ния не има́м, ра́зве Тебе́, Влады́чице ми́ра, упова́ние и
предста́тельство ве́рных, не презри моле́ние моё, полёзно
сотвори́.

Песнь 7

Ирмос: От Иудеи доше́дше о́троцы, в Вавило́не иногда́, ве́рою
Тро́ическою пла́мень пе́щный попра́ша, пою́ще: отце́в Бо́же,
благословéн еси́.

Пресвята́я Богоро́дице, спаси́ нас.

На́ше спасе́ние Яко́же восхотéл еси́, Спа́се, устрои́ти, во утробу́
Де́выя всели́лся еси́, ю́же ми́ру Предста́тельницу показáл еси́:
оте́ц на́ших Бо́же, благословéн еси́.

Пресвята́я Богоро́дице, спаси́ нас.

Воли́теля ми́лости, Егóже родила́ еси́, Ма́ти чи́стая, умоли́
изба́виться от прегреше́ний и душе́вных скверн ве́рою
зову́щим: отце́д на́ших Бо́же, благословéн еси́.

Слава: Сокрѡвище спасѣнія и Источник нетлѣнія, Тя рѡждшую, и столп утверждѣнія, и дверь покаѣнія, зовущим показáл есѣ: отѣц нáших Бѡже, благословѣн есѣ.

И ныне: Телѣсныя слáбости и душѣвныя недúги, Богородительнице, любѡвию приступáющих к крову Твоѣму, Дѣво, исцелѣти сподѡби, Спáса Христá нам рѡждшая.

Песнь 8

Ирмос: Царя Небѣснаго, Егѡже пою́т вои áнгельстии, хвалíte и превозносите во вся вѣки.

Пресвятáя Богорѡдице, спасѣ нас.

Пѡмощи яже от Тебѣ трѣбующий не прѣзри, Дѣво, поющия и превозносящия Тя во вѣки.

Пресвятáя Богорѡдице, спасѣ нас.

Неможѣние души моея исцеляеши и телѣсныя болѣзни, Дѣво, да Тя прослáвлю, Чѣстая, во вѣки.

Слава: Исцелѣний богáтство изливáеши вѣрно поющим Тя, Дѣво, и превозносящим неизречѣнное Твоѣ рождествѡ.

И ныне: Напáстей Ты прилѡги отгоняеши и страстѣй находы, Дѣво: тѣмже Тя поѣм во вся вѣки.

Песнь 9

Ирмос: Воистинну Богорѡдицу Тя исповѣдуем, спасѣннии Тобѡю, Дѣво Чѣстая, с безплѡтными лѣки Тя величáюще.

Пресвятáя Богорѡдице, спасѣ нас.

Тѡка слез моѣх не отвратѣся, Яже от всякаго лица всяку слѣзу, отъемшаго, Дѣво, Христá рѡждшая.

Пресвятáя Богорóдице, спаси́ нас.

Рáдости моé сёрдце испóлни, Дéво, Яже рáдости приёмшая исполнéние, грехóвную печáль потребля́ющи.

Пресвятáя Богорóдице, спаси́ нас.

Приста́нище и предста́тельство к Тебé прибега́ющих б́уди, Дéво, и стена́ неруши́мая, прибéжище же и покрóв и весéлие.

Слава: Свéта Твоегó заря́ми просвети́, Дéво, мрак невéдения отгоня́ющи, благовёрно Богорóдицу Тя исповéдающих.

И ныне: На мéсте озлоблéния нéмощи смири́вшагося, Дéво, исцели́, из нездрáвия во здра́вие претворя́ющи.

Стихиры, глас 2-й

Вы́сшую небéс и чы́стшую свéтлостей со́лнечных, избáвльшую нас от кля́твы, Влады́чицу ми́ра пёсньми почт́им.

От мно́гих мо́их грехóв немощств́ует тéло, немощств́ует и душá моя́; к Тебé прибега́ю, Благодáтней, надéждо ненадéжных, Ты ми помози́.

Влады́чице и Мáти Избáвителя, приими́ молéние недостойных раб Тво́их, да ходáтайствуеши к Рóждшемуся от Тебé; о, Влады́чице ми́ра, б́уди Ходáтаица!

Пóем прилéжно Тебé песнь ны́не, Всепéтой Богорóдице, рáдостно: со Предт́ечею и все́ми святы́ми мо́ли, Богорóдице, éже ущéдрити ны.

Вся А́нгелов во́инства, Предт́ече Господень, апóстолов двенадесáтице, святы́и вси с Богорóдицею, сотвори́те моли́тву, во éже спаст́ися нам.

Молитвы ко Пресвятой Богородице

Царіце моя преблагая, надеждо моя Богородице, приятелище сырых и страннных Предстательнице, скорбящих радости, обидимых Покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья Предстательницы, ни Благия Утешительницы, токмо Тебе, о Богомати, яко да сохраниши мя и покрыеши во веки веков. Аминь.

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, надеждо христиан и прибежище нам грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемь? О, Владычице Царице Небесная! Ты мне упование и прибежище, покров и заступление и помощь. Царице моя Преблагая и скорая Заступнице! Покрой Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь немощствующему плотскими страстьми и болѣзнующему сердцем, единому бо Твое и с Тобю Твоего Сына и Бога нашего имам заступление; и Твоим пречудным заступлением да избавлюся от всякия беды

и напáсти, о Пренепорóчная и Преслáвная Бóжия Мáти Марíе. Тёмже со уповáнием глагóлю и вопию: рáдуйся, благодáтная, рáдуйся, обра́дованная; рáдуйся, преблагословéнная, Гóсподь с Тобóю.

Молитва о восстановлении мира

Владыко Многомилостиве Господи, Иисусе Христе, Боже наш, молитвами Всепречистыя Владычицы нашея Богородицы и Приснодевы Марии, святых равноапостольных великого князя Владимира и великия княгини Ольги, святых Новомучеников и исповедников Церкви нашея, преподобных и богоносных отец наших Антония и Феодосия, Киево-Печерских чудотворцев, Сергия, игумена Радонежского, Иова Почаевского, Серафима Саровского и всех святых, благоприятну сотвори молитву нашу о Церкви и о всех людех Твоих.

От единыя купели Крещения, еже при святем князе Владимире, мы, чада Твои, благодать восприяхом, — дух братолюбия и мира в сердцах наших навеки утверди!

Иноплеменным же языком, брани хотящим и на Святую Русь ополчающимся, — запрети и замыслы их ниспровергни.

Благодатию Твоею власти предержащие ко всякому благу настави, воинов — в заповедях Твоих утверди, лишенные крова — в дома введи, голодные — напитай, недугующая и страждущая — укрепи и исцели, в смятении и печали сущим — надежду благую и утешение подаждь, на брани убиенным — прощение грехов и блаженное упокоение сотвори.

Исполни нас яже в Тя веры, надежды и любве, яко да во всех странах наших единеми усты и едином сердцем исповемыся Тебе, Господу и Спасителю нашему Иисусу Христу, со Безначальным Твоим Отцем, Пресвятым Благим и Животворящим Твоим Духом во веки веков. Аминь.